



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

Humanæ salutis Monumenta, & Odæ variæ

Arias Montano, Benito

Antverpiæ, 1589

In tabulam Spiritus sancti. Ode Sapphica. LXVIII.

urn:nbn:de:hbz:466:1-44973

Regemque cæli suscipiunt suum
 Victoris auctum laudibus inclytis,
 Celsique plaudentes ministri
 Concelebrant hominem Deumque.

EMERITA GESTORVM
 GRATIA.

Ipsè via est, ductorque bonus; qui venerat alta ex
 Arce, redit, nobis vt patet ipse domum.

CHRISTO TRIUMPHANTI S.

In tabulam Spiritus sancti.

Ode Sapphica. LXVIII.

Q Vicquid optandum cecinere vates,
 Principes quicquid cupidi petebant,
 Attulit mundo celebranda Christi
 Pontificis lux:

Clara lux flammis radiata miris,
 Quæ malè extinctum renouauit orbem,
 Quæque deiectum leuat impotenti
 Pondere Adamum.

Dextere Christus Patris efficaci
 Redditus, charæ comitum cateruæ
 Impetuat magnis meritis reperta
 Flaminis almi

Dona: quæ postquam sociata castis
 Mentibus, mortem perimunt priorem,
 Et graues noctis tenebras corusco
 Lumine mutant;

Error & tristes fugiunt pauores,
 Quæque cor fluctu quatit inquieto,
 Pacis infelix inimica sentit
 Frena cupido.

Constat exemplo facilis benigno
 Christus, & nostris eadem parare
 Sæculis, si qui meruit probando
 Præmia cursu.

HVMA.

HVMANI GENERIS RENOVATIO.

Huius flamma animum penetrans quem corripit ignis,
Aurum fit, viles exuit & cineres.

CHRISTO REGI POTENTISS. DI-
TISS. LIBERALISS. HOMINVM
DEIFICATORI S.

In tabulam Petri de Christi numine perorantis.

Ode Tricolos Tetraastrophos. LXIX.

Vt ut minori præniteat viro,
Virtutis & quid, quid sapientiæ
Divinus humano suorum
Spiritus ingenio reponat:
Ille & probavit, qui pavidus prius
Dignum magistrum laudibus, ac fide
Rogantis ad vocem puellæ,
Nosse hominem malè pernegabat:
Vulgaris & qui consilij potens,
Cæloque terræ commoda præferens,
Vitam daturum morte nostram
Stultus auct reuocare Iesum.
Postquam imbuentis munere spiritus
Mutatus, idem liquit inutiles
Curas, & accensus superno
Igne, noua nituit figura:
Fastus tumentes despicit, & minas,
Nec Christo iniquum concilium timet:
Turbamque, sermonesque vulgi
Temnit, & imperium superbum:
Præfens docere & dicere feruidus,
Christum efficaci numine compotem,
Magnisque sublimem triumphis
Aethereas decorare sedes.
Vnde & sequaces nobiliter suos,
Auctosque magnis artibus instruat
Miranda narrare, & stupendam
Reddere debilibus salutem.

CHRISTO